

---

---

*pci* July 2014  
Presbyterian Church in India (Reformed)  
**MESSENGER**



NLPYF Oneday Worship Service & Fellowship

Bishnupur a Meitei Saptuam biakin thak



# pci Messenger

A monthly organ of Presbyterian Church in India (R)

Vol. XXIII

July 2014

No. 7

## PRODUCTION TEAM

### **Editor**

Rev. Khen P. Tombing  
C/No. 9862088190

### **Jt. Editor**

Rev. H. Chin Thiansong  
C/No. 8731850322

### **Contributing Editors**

Rev. G. Suanzalam  
Rev. Khamlianmang  
Eld. T. Khupzadou  
Eld. N. Thangzamawi  
Eld. Langkhanpau Guite

### **Cir. manager**

Mr. C. Biaklun

## THU TUUNTE

Editorial	01
Khualzinna Report	02
Saptuam sung thu	12
Mission Tour 2-na	13
Pasian Saptuam	16
Delhi PCI Status	21
Na kam sung ah suanghum	27

## **Head Office**

Presbyterian Church  
in India (Reformed)  
Box -32, Hebron Veng,  
New Lamka 795128  
Manipur, INDIA

## **Subscription Fee**

Rs. 10/- per copy or per month

## **Website of the Church**

<http://www.pcireformed.com>

Thusuahte peuhmah  
asuahtu' ngaihndan himai ahi.  
Editorial ngaihndan hivek  
se-se lou hi.

Printed, published and edited by Rev. Khen P. Tombing at Diamond Offset  
Press for the Presbyterian Church in India (Reformed)

## KITHUAHKHAWMNA TUNGTAWN A KILAMTOUHNA

-Rev. Khen P. Tombing

Itna, hehpihna leh lainatna a hon keem, A khazak nuai a hon khosa sak, chiklaipeuh a i kiang a nai gige Pathian min in simtute chibai. Tutung in kithuahkhawmna (fellowship) tungtawn a khat leh khat kilamtouh ding ahildan ka gen nuam hi.

**MIHINGTE' KITHUAHKHAWMNA:** Tulel a khovel a saptuam khang hat pen a chiamteh a om Korea saptuamte' hatna thuguk lianpen tuh **small group** tungtawn a **KITHUAHKHAWMNA** ahi. Hiai kithuahkhawmna tuh gingtu masate'n neih-leh-lam kikop hial khop in ana pankhia uhi. Korean saptuamte'n small group kithuahkhawmna aneih chiangun, mimal-mal ten kihong takin a haksat uleh Pathian a kipan kipahna atante uh genkhawm in **kithumpih** tuah ua, a poimoh dan zil in **thilpiak** ah leng kipanpih tuah uhi. Huchi'n gingtu khat leh khat kikal ah ki itna leh lainatna hong gakhia in, huai in kipahna, chidamna leh thathohna suangkhe sawn hi. Ei, Toupa' saptuam, Manipur a omte'n leng gingtute' kithuahkhawmna,- biakna hi in, small group hitaleh tua sang a nak zaw sem in bawl lehang Korea saptuamte bang mah in i khangtou ding uh chih lametna lianpi ka nei hi.

**PATHIAN TOH KITHUAHKHAWMNA:** Pathian in mihingte toh kithuahkhawmna Eden huan ah Adam leh Evi tungtawn in ana pankhe khin hi. Khelhna ziaak a Pathian i taisan lai na-ngawn un gan sisan a kithoihna tungtawn in hon kizoppih a, huchi'n setdet di'n A Tapa sisan in kizopna hon bawlpah lai hi. Juda Kumpite'n Asera lim bia a kithoihna abawl ziaakun Pathian in Israelte a taisan hi. Himahleh Josia in Asera milimte paimang in Pathian toh kizopna hon bawlthak a, huchi'n Israel gam ah galmuanna leh khantouhna nasatak a tung hi. Simtute, i Pathian uh khatvei sukkhelh ziaak a hon taisan vengveng Pathian ahikei, hun lem dang hon bawlsak (second chance) Pathian ahi. Huaiziakin, pan thak la in Amah toh kithuahkhawmna thak bawl di'n pan lathak chiatni.

## KHUALZINNA REPORT

*-G. Pau Muanthang*

Kum 2008 a US apan ka hong pawt nunga akhat vei phakkik na ding in April 3, 2014 zan dak 12:00 gin ding kuan in 55,000 Kms khualzin pan ding in SAIACS campus nusia in Bengaluru International Airport zuan in ka hong kipan khe ta hi. Naute lah lupna tungah ihmu dildil, a Nu lah ka khualzin ding buaipih in ihmu theilou, Thianmang salpha a gam vanga sep ding bawl ding omte masuan in saunuam, momnoute leh angkawi lianu nusia in machiang suan ing e.

Zan kim zan khang a khualzin chih mawk ei singtanga ngaih dan a thil hitheilou bang sim pi khat ahi. Himahleh leh tuchiang in khopi a teng ten zankim zankhang chih omsak mang lou a khosakna khovel ah i omta hi. Khualzin kuan hun, tun hun chih leng a om tuan nawn kei, sun leh zan kibang akhualzin theihna, tun theihna khovel ah i teng ta uhi.

Huchiin airport a bang tan hiam tut nungin Etihad airline (khovel a lenna service hoih a chiamteh 10 te laka khat ahi, Air India te a sawm bangzah na ah a tel pha diam ki thei bun lou) ticket counter hong kihong a boarding pass leh vante etchetna neihkhit nungin security check na ding lam zuan in ka hong pai nawnta hi. Tutung ka sawm dan himhim ahihleh, kum 2007 a Europe lam kitawn khinta ahih chiangin, tutung in Middle East

gam kitawn himhim leh, nidanga i Pu Abrahamte, Jakobte, Joshuate, leh Jesu leh anungzuite khosakna gamte vanlajawl apan bek galet himhim ding chih dan ahi.

Huchia bang teng saifel nungin zing khovak ding kuan in Etihad (a lenna min bang le gimneih huai sim maw, Jihad chih khawng toh kinaih sim mawk ahih chia he...he...he) lenna sungah ka hong lotta uhi. Lenna lengkhe dia kisa thupuan tuamtuam aom nung in “Khualzin Thumna” chi in Koran (Muslim te Bible chi mai ni) apan thumna saulou a hon simkhia ua huaizoh in lenna kipan kheta hi. Ka International flight teng Etihad lenna ahihziak in hiai bang chindan (Khualzin Thumna) apai pih vek uhi. America Khristian gam I chih zensam hang un a lennate uh ka tuankhaknate United airlines, Delta airlines, American airlines,

SouthWest airlines chihte ah huchibang thumna a om lam ka thei kei.

Huchiin, India tumlam manoh in Goa khopi tunga a leng pheih, Mumbai phalou deuhin Arabian Tuipi tungah ka hong leng pheizel uhi, dakkal 4 vel ka len sung un, air hostess (cabin crew/cabin attendant) te lak a kimaiphiat deuh khat om chia ka chiamteh bawl khat (aman le hon na ngimngim hi dingin ka gingta) hon houpih a Sir, where are you from? (Heutupa aw koi a kipan na hiam?) Ken zong Manipur a kipan, tua Bangalore a laisim a om ka hi chi in ka dawng hi. Huaitakin ken le, Nang koi akipan na hia ka chih leh Mizoram akipan ka hi hong chi, Eh! Kinai chik i ve le, Eh! na min leh Jenny ahimah ve maw (a puanak ang a min ki tak en kawm in) ka chi hi. Mizoram akipan khat tuh ei singtangpa min gelh a taklang hi leh baihlam chika kitheih mai di hi a. Mel kibang chih mawk a vahoupih khelh baihlam lua ahih chianga, ka ki ngim sung uh sawt lua ahih chianga kitheih chian manlou, lenna in Abu Dhabi boh dia kisa, amah lah buai ahih chia a lenna aboh nunga va kho nung zon dan lah om nawn lou huchia ki khen mai.

A himhim a khovel a i mel kibatpih ding uh tam thou in chin, US apan

2008 a ka hong kik dek a Chicago International Airport (O Hare) a eimi mel pu mahmah khat, hiai pa mawngmawng ki houpih leh khial kei inteh chia, ka va houpih leh ana hidek suai lou, khat vei taget lah Delhi, Indira Gandhi International Airport a huchi bang mah mi va houpih leh dik lou zel. Huchibang teng ziak a hiai air hostess nu le ka ngimngim (amah le hi thou in teh) na lam a dakkal 3 bang kikhel a tel ve le. Bang teng hileh Etihad airways a Zo suan nungak khat Jenny kichi a sem om ahi chih theih beh himhim. Etihad airways a zinkha ten thei un! Lenna a sanga simphial aneihna lak uah Jenny pentak vazon di le buhpawl laka phim zon toh kibang maithei.

Huchiin dakkal 4 vel ka len nungun Abu Dhabi, United Arab Emirates te khopi boh ding in lenna hong niam len hiai hiai a, gamkeu gam chihmah tak, sing leh lou hing dipdip muh ding aom kei rengreng, a bang chi dan ahia puang na khelkhul mawk e! i chih leh leikeu ngenta, piaunel ngenta kiphah suak ana hilaizang. Kare hiai gam ah bang piang ken teh i chih leh Pathian vualjawlna leinuai hauhsakna Thautui a pumdim gam ana hi dan ahi. Hiai Middle East gam i chihte thautui a hausa gam ahizhiakun, a changin US bang hong

kidaihlah mahmah sek hi. Etsakna dingin Iraq leh Kuwait kidouna bang, Saddam Hussein zon khatna leh thahna toh kisai banga thautui hau gamkhat mai-etna in hong kidaihlah mahmah uhi. Etihad lenna neipa bang hauhsak chitdan maimai lou, Abu Dhabi i hong boh chu Etihad lenna dim himai! *Abu Dhabi apan khovel tengah* chih a thupi uh himai, Tu a lenna a neihsa 1000 bang phazou ding banah, tunung sawtlouin khovel a passenger Airbus lianpenpen mi 500 val tuanteihna A380 kichite 10 telin passenger pua lenna 100 val leisawm hilai tel ei!

Huchiin in Abu Dhabi ka hong bohta uhi, Chicago a Immigration vai sai ding ka kisak leh Abu Dhabi a sai ding a na hi, kei bang thou passenger tampi leng om hin teh, passenger 100 laka 70 vel ding mahmah huaisai a buai ka hih Chiang ua lenna in hong ngakngai. *Thukalzeh: Immigration i chih Chiangin gam dang a i hoh dek chia a gam uh i luttheihna dia phalna ahi. Huai dingin lenna sungah form fill-up ding, i hohna ding, i hohna san leh van puaktheih puak theihlouhte, i van puakzah chihite etkhiakna ahi a, honphal uleh I passport ah seal hon tahsak ding ua huchiin a banah pai theih*

*hi. Himahleh, migilou leh thilhoihlou hihsawmte hiai mun a paisuaklauh theih ahi, airport apan innlam a sawlkik chih bangle om thei chihna ahi. Abu Dhabi lenna phual leng gintak sangin a thupi mahmah leh lian mahmah ahihmanin concourse (lenna ngakna mun) khat apan concourse dang apaina ding huan sawtpi analut hi. Hun kibichilhna mun bang ah tai thoh ngai hi. Thukalzeh: Lenna phual i theih siam na dingin: Na bohna na ahihkeileh na lennkhatna mun Terminal number piakvek ahi (International leh Domestic terminal om thei lai), huaizoh Chiangin concourse A, B, C, D, E chi in ana kikhen diudeu nawn dinga, huaizoh chiah na gate number, mun khenkhat ah na ticket huaite kigelh khin dinga, himahleh air traffic control dungzuiin a gate number leh a concourse kikheng thei ahihmanin airport sunga video screen a kisuahite hiam ahihkeileh na airline a semte dot pahpah ahoih hi. Lenna phual lian mahmah te ah concourse "A" kia bang a leng Gates 1 apan 100 tantan bang aom na om thei ahihmanin lenna phual boh ta hiveng chi a ngaihman pah ding ahi kei, a bana paisawmna ding nei (connecting flight) na hih leh na concourse leh na gate number*

*enchian pah inla huai mun zuan pah in, zekai sangin tun baih a hoih zaw hi.*

Huchiin bang teng ka hon sai khawm sauhsauh ua, lenna a khualzin utte adingin security check chintak theih ahi kei, puak theih leh puak theilouh a tam, na vante ban ah nang mah taksa mahmah, khedap suah, konggak lakkhiak, jacket na silh leh huai leng hon suahsak lai ding uh, na sakhau a leng bangmah aom louh ding, hiaite a biktakin domestic apan International a na kisuan dingteng hoitaka etchetna hon bawl zel ding auhi. Hiai mun tak khualzin tungte a din nervous a van poimoh lak mangngilh khak chih om thei hi. Abik takin van neuchik leh poimoh mahmah tuh na Passport, na ticket leh na sum bawm hiaite mangngilh lou teitei ding in pilvang in, hiaite laka khat zaw samsam na mansak leh a buaisia na hipah mai hi. Hiai bang etchetna ka paisuak khit un lenna tuan ding kingakkhawmna ah ka kisuan pheh nawn uhi.

Huchiin in huaiteng ka zoh Chiang un, lenna kidohna mun gate number zuanin ka hong pai nawn uhi. International flight te peuhmah a lenna a na lian mahmah chiat hi. A tangpi in line khat a mi 10 ki tu thei hi (a nawl ah 3 a lai ah 4 leh a nawl ah 3 alaia lampi 2 om chihna) lenna

sung pindan 3 bangin a na kikhen thei nawna, pindan khat sungah tutna vual 15 apan 20 bang kidoh hi, huchiin lenna khat in mi 300 apan 500 tan a vanteng utoh pua in lenpih goigoi mai hi. Lenna sungah first class/business class leh economy class in kikhen tangpi a, na lut ding Chiangin kong bul a dingten group number ahihkei leh zone number (A,B, C, D/1, 2, 3, 4) chi bang in hongsam ding ua huai dungzui a lut ding ahi. America gam ah bel damlou leh songnawi deuh mite lut masa sak uhi, huaizoh chiah, first class/sepaih uniform silhte chih leh business ticket neite lut nawn ua, huaizoh chiah economy class group zil in hong sam uhi. Mipi vaisai na peuhmah a ki line pahpah ahi, kuamah line bohsia a masak sawm teitei omlouin, ahi ding bang a thil a pai chianga hun tomchik sunga le thil tampi sai fel pahpah theih ahi.

Huchiin lenna hektu (ei theihdan *pilot*, amau *captain* chi tangpi uh) in lenna tuangte vaidawna thu leh lenna hun sung ding, huihkhua omdan, i tunna ding mun leh dakkal bang zah leng ding chihte hong puanga, huaizoh in airhostess ten kivenbitna dinga thilpoimoh tuamtuamte lahna hon nei ua, huchiin lenna akipat khiakna ding mun zuan in awlin hong kitolh khe ta hi, a speed

dakkal khat a kilometre 300 tan bang hat ahong tai Chiang in a hektu control dungzuin hong leng khe thei hi. Huchiin huihkua ah alen Chiangin lei apan a tangpi in feet 35,000 leh 40,000a sang khong in leng a, dakkal khat kilometre 800 akipan 1000 tan a hat in leng zou hi. Lenna sungah nek ding chi tuamtuan I ticket leina a huamsa sun an, nitakan, breakfast leh singpi chihte om a, huai banah i tut na maiah video ettheih ding channel tuamtuan: movies, news, la, leh naupangte a dingin cartoon pictures etkhop tek ding kikoih nalai hi. Lenna tuam dungzuin hiaite tuam theizel hi.

Huchiin dakkal 15 vel ding ka lenn nung un Chicago khopi lenna phual O Hare International Airport ka hon bohta uhi. Huai a pan St. Louis zuana

paisawn lai ding ka hihman in huai lenna kingakna mun ka zuan ahi. Himahleh St. Louis kim laka huihpi leh pingpei kithuah (tornado) om ziaikin ka lenna uh dakkal 2 vel zekai sakin ka om ua, St. Louis ka tun un zan kim ana hi a mau a din April 3, zan kimmah ana hilai hi. Tumlam manoh (America lam) a i len Chiang in dakkal 15 bang I leng nungin leng I kipatni mahin America kitunga, himahleh America apan suahlam manoh (India zuan a) i hong pai Chiang in lamkalah nikhat mangthang mawk hi. Huai omdan bel May 6 a kahong kipat khiak leh May 8 a kitung mawk lenna I len hunsung lah dakkal 15 sung vel ding mah hi na pi, huaibel a lei kipeidan ziaik ahi.

Huchiin St. Louis ah kal khat vel ka om sung in saptuam te leh mimal



*ITEM Executive te toh kimuhna*



leh ITEM board te toh kimuh na ka nei hi. Saptuam ten honna kipahpih mahmah uhi. William Hesterberg ahong zin khiak ma in ITEM board member te toh breakfast ne kawm in ka kimu ua, maban RBI nasep ding leh pai zia ding genkhawmna leng ka nei uhi. St. Louis kum dang bang lou takin ana vot lai mahmah mawka, ka zintun na pa'n a Jacket hon khelsaka ka khualzin na teng ah ka va silh nilouh hi.

Huchiin a kal nawnin America gam adia Northeast states New Hampshire, Massachusetts, leh Connecticut a saptuam omte kiang vapha dingin ka kuan tou nawn hi. Huaiah eilam a i theih dingin Pastor Brad Evans te saptuam bang leng ka va pha a, huan Nelson Jennings tua New Haven a Overseas Missionary Study Centre a director a sem kiang bang leng ka vapha hi. Huaiah kum

khat a kha 9 sung vel missionary nasepdan training pia in student gam tuamtuam apan mi 40 vel khong ana nei ua huaite lakah, Naga te, Arunachali, leh Burma lamte bang leng ana om uhi, ei ate bang leng huchia sawl theih di aom diam peuh ka chi a lungsim mitkha bangin i mission field a missionaryte bang ka ban hisap mawk hi.

Huchiin huai bial apan awl a kikhin suk nawn in, Boston a om Tom Hudson PMI director in hongpha in a chih ziakin ka vapha a, vuahzu daikai nuai ah Boston khopi ka fang nopnop mai uhi. Tom ka kimuh masakna pen uh ahi a, aman bus station ah hon na dawna, huai apan, Harvard University campus hon va phak pih, khovel a mipil taktak tampi piankhiakna ahihman in amun vaphak lel le manpha kasa mawk hi. Huailou in Nelson Jennings kiang



*Pau M.  
Gualnam leh  
Pastor Brad  
Evans*

aka om sungin leng Yale University hon phakpiha huaitak le US a dia siamsin na mun thupitak ana hi nawn hi. I theih dingin Goerge Bush Jr, leh Sr. ten a kaina, Bill Clinton te khong kaina leh khovela lenna bawl khetu minthang Boeing i chihte bang leng huaia ana khangkhia uh ana hi ahih chih kava thei khia hi. Atangpi in hiai university lian mahmahte a kipat tungun saptuam kemtu ding pastor leh minister te training na mun dia ana pat uh hi na pi kum 100 bang zah hiam ahongpai nungin Pathian thulam sang in khovel pilna leh kitaitehna lam hon pi bawl ua, tuchiangan Pathain thu sinsakna tuh a kahiang khat maimai bang in om lel ta hi.

Tom kapahtak na mahmah tuh mi houpih siam, huaibanah missionary lungsim nei mahmah Boston khopi ka vak sungun leng gospel track hunkhop

homkhe man ahi chih ka theih in a nasep a lunglut ahi chih ka theia hong thathou sak mahmah hi. Huaikim vel kawm tuahna in Bus ka zanga a nuam mahmah vanglak hi. Bus service ten conductor, bahara dong ding chih nei tuamlou, driver kia in thil teng sai mai, ahi taka bahara don le ngailou ticket i lei khit leh bahara pekhin kihimai, lamkal a bus khawl mawk a hong tuang chih le om tuanlou, a tuang ten le station bikhiah na mun ding tan tuang, driver in leng a paina ding muntan pai lel, thilsai fel mahmah. Huchiin huai apan St. Louis ah kiknawn in mimal kimuhpih ding khenkhatte kimuh pih leh PMI meeting a tel zou a zing chiang in Tacoma a saptuam Faith Presbyterian veh dingin a suahlam apan tumlam manoh in ka kipan khe nawn hi. US gamsung a buaihuai na mahmah khat ahi leh, a gam uh lian law mahmah ahih manin (India gam leh 5 bang phazouding hi) time zone



*Pau M. Gualnam  
leh Tom Hudson,  
PMI Director*

4/5 bang nei mawk unchin sana hek tuaktuak ngai. Huchiin St. Louis apan dakkal 5 bang ka len nungin Seattle, Washington State khopi ka boh ta uhi, huai apan Mike Pfefferle in honpi a amau in a sun an ne in huaizoh nitaka Peter Chiou te inn a giak dingin ka kisuan hi. Lamka a hong hoh lai tanchin khong ka gen ua, Mike zi Connie bang JOKER himai si dekdek in ka nui uh aka. A nui siam deuh heutuni Rith bang om leh chih huai zozen.

I gam uh nop a sak dan uh, kizen, leh thilphal ahonsak dan khong gengen mawk dan uhi. Ataktak mah uh ahi diam chihsim a om, i gamleh amau gam kikhiat dan va kimuchian lua ahizhiakin a thugen uh kamsiam val hile uh kilawm i sak hun bang om. A hoihna mahmah uh ahihleh, mite hoihna lam mu in huaimah genin nei

zaw tangpi uhi. A honghoh lai ua, Pa Lam hahpan na ziaka nitak kikhopna nei diaDaijang a ka zan hoh mahmah uh adventure huai sa mahmah uh a diam a mau le gen ut mahmah uh ei. Huchiin, i puan piakte uh Zou puan (Gungal puan himaithei) bang a sofa tung ua muh ngeingei dia ana koih khe pah, Connie leh Mike ka pahtak na mahmah tuh, Connie bang biakinn kai dia hong kisa *puandum khi*, hon ok Mike in *puandum necktie* hon ok nawn, nuam tuan mahmah. Ka tun ni nitaklama Peter te inn a giak dia ka paisuk uleh Sandra (Peter Chiou Zi) in kong a hong muh pheta **Pau, Chibai!!** Hon chih leh Connie Chibai chia hon vaidawn khaklouhlam hon phawk phing!! Peter taget inlah, **Faith Presbyterian Church Tacoma a om Pathian misiangthoute sik le tang in Chibai!!** Chih khawng a na genthei lai hitel ei!! Peter te nupa le siam



*Mike Pfefferle,  
Pau Gualnam,  
leh Peter Chiou,  
Peter te inn*

mahmah uh, a inn ua nitak ann ka nek kawm ua ettheih din Lamka hong phak lai limte uh a banban ahong suah ziahziah nawn uh, a chik kalkal a lim ana la uh ahia chih theih ding khop in ana cover hoih mahmah uh, ka Pa siksek lai lim nasan hong suak mawk dan ahi. Huai kia le hilou ka lupna khong nasan uh hong suak, amau lupna te toh kikhai lozen a, amau lupna te bang zaw kong tan phialphial pha, ei a Dunlop (Kurlon inches 6 a sah khong kiphah zou hamham).

Kamuh dan in Mike tuh laisim mi mahmah ahi chih ka mu hi, ainn sung a tung a nuai laibu a dim, a ma laibu neihteng RBI in nei leh chih huai kasa tuntun, laibu hau himai!! A zi Connie in ka kiten tungua, “A Laibu toh kiteng ka hi” chi top.

Tacoma ahih leh tui pang aom ahihna ah kilawm mahmah, akhosung uh lah siangthou, pakte apak hun laitak toh kituak zomah, limlakna in lala ta le lah imit a i muh banga a kilawmna dawk vek theilou, kholak a singkung teng lah pak kung himai, a gen didan le omkei kilawm full top himai!! Faith Presbyterian Saptuam ten hon ngaina mahmah uh ei leng va ki angtang mahmah. Hon ngaina mahmah uh ahi chih kitheihna tuh ni 5 ka om sunga mun 3 a giak man, zohngeu nounei mah bang uh aka!

Huai apan St. Louis ah kiknawn in ka program tawpna dingin Pennsylvania ah ka lawmpa associate pastor ana hita kiang ka va pha hi. Saptuam ten hon na kipahpih mahmah ua, RBI ministry presentation hun nih ah hon neisak



*Mike te  
innsunga i  
puan piakte uh  
(Gungal puan)*

ua, lunglut ahieh ziaakun dotna le tampi a nei ua, maban a sepkhawm ding chi in May 4 in ka hong kikhen uhi.

Tutung khual zinna ahieh leh RBI school building lamna ding leh mimal poimoh khenkhat tangkou pih a khualzin ka hi a Pathian in kalsuannate hon vualjawla, maban a school building i neihpah ka lamem. Tutung khualzinna a America gam a khopi ka totkhakte: Chicago, Boston, Denver, Detroit, Hartford, Manchester, New York, New Haven, St. Louis, SunFrancisco, Pittsburgh, Washington DC ahi. Pathian ompihna leh makaihate hangin khualzin sungin buaina haksatna bangmah omlou, flight laplouh chih leh cancel chih leng omlou in program bawl

bangbang a lamzang taka a kizat theih ziaakin Pathian kiangah kipahtu i gen hi. Huaikia leng hilou saptuamte kiphaina, lenna paiman ding hong siksak uh, a inn ua vakitung, banah biakin a huai poimoh ka hi uh chia vaki ngen lai zomah. A petamte mah Pathian vualjawlna dong tam hizel uhi. Huchiin, May 6 a St. Louis nusia in Chicago, Abu Dhabi tawn in Bangalore May 8 in ka tungkik nawnta hi.

**Theih tuak:** Khualzin na toh kisai theih dia poimoh kasak saptuam vehna hisese lou, tununga kua hiam gamdang a zinte a dia phatuam thei a om khak leh chi in thil paidan khenkhat ka hon taklang hi. Huai bang phattuam pih thei dia gamdang a zinkhia om thei din TOUPAN hon vualjawl ta hen.



*Jeff Zhender,  
Pau leh  
Pastor Eric*

## SAPTUAM SUNG THU TUAMTUAM

**COMPASSION SEMINAR:** EBCC saptuam intekna in Central Lamka EBC biakin ah June 12, 2014 in Compassion East India Seminar om. Hiai a ding a chialna aki muh dungzuiin ei saptuam akipang Chief Coordinator makaih in mi 10 veltel hi. Compassionte ahiehleh NGO etton tak pen chia a khovel in a theih uh ahi. Amau Jesu Kris alaizang a kloih in saptuam pawl tuamtuamte pansan in khovel kilchih teng ah naupangte panpih in nna sem uhi. *“Naupang khat na panpih a, na hotdam leh khangkhat hondam na hi. Huai mah bangin naupang genthei leh haksa khat na panpih kei a, ahong siat gawp leh huai khangkhat susia na hi. Na damsung in gari mantampen, ahoihpen na neih leh na sih chiangin gari hoih mantam neipa si ahon chi ding ua, huai banah kuamah in nang hon gen kha nawnlou ding uhi. Naupang genthei leh haksa na panpih leh nang sih nungin leng khangkhat sung it kawm takin na min kigen lailai ding hi. Naupangte tuh Jesu Kris in a it mahmahte ahi uh”* chihthu leh thuhohi manpha tampi gen uhi.

**CCH GRADUATION CEREMONY 2014:** Covenant Children’s Home a kipan tukum Class XII ah naupang 20 in exam ua, 4 in compartment mu in adang teng in sangtakin zou uhi. Huan Class X ah naupang 23 in exam ua, guk in compartment mu in adangteng in sangtak mah in zou uhi. Amaute kipahpihna leh khakkhiakna program June 13, 2014 dak 7:00 AM in Home Boardte makaih in thupitakin nei uhi.

**GREEN WORKSHOP:** Delhi Paite Indongta (DPI) & Development of North Eastern Region (DoNER)te intekna in June 20 & 21, 2014 sung Rayburn College ah Green Workshop & Seminar neih in om. Hiai hun ah ei saptuam apan Chief Coordinator makaih in mi hunkhop kitel a, i tenna khovel a singkung leh louite poimohna leh kep a poimoh dan sinsakna neih ahi.

## MISSION TOUR NIHVEINA REPORT TOMKIM

May 07, Missionary Day uap kha ding in Tuima, Mualnuam, Songtal, Sinzawl khua a isaptuamte veh ding in Dated 5<sup>th</sup> May 2014 ni in New Lamka a pan Missionary ST. Soigoulunte nupa, atetenih leh Elder H. Thuamson PMF Chairman, Nu Niangkhanching memner PMF leh hutupa Rev. M. Khamlianmang Coordinator (Missions) makaih na in dak 11 in Head Office kong ah BOLERO in ka kipan khia uhi. Theihlough kal, taiman lou kisa phial ka hih uleh Singngat Bazar ka tung ua, tuamun ah Elder M. Vungzapau PMF member muanhuai tak in hong khawl phot ua chi in singpi hondonpih in thumna hon neihsak in ka tainawn uh. Tuima khua nitaklam dak 3 vel in ka tung uh Moderatorpa in ah Sessionte leh PWF ten honna vaidawn ua, nuamtak in amaute toh kimu thuah a nekhawm leh houlim khom a ka om zoh un nitak biakna programme ka zang uhi.

Akuanlamte (a vavehte) khut a programme teng hon piak dungzui un kei Hunkemtu (Niangkhanching), Reports -1. Soigoulun leh azi Nu Ngaihulun tea pan Mission Field a asepdante uh hong gen ua azak nop a milung koih hi. 2. Elder H. Thuamson in PMF te Field leh isep dan te uh report tomkim bawl hi. Tua zoh in lapawl, *“Hon nuse ngei loupe muang in”* chih siam tak in kava sa uhi. Pastor Kamthang leng lasa dia nget ahia, siamtak in Jimfeef late honsa hi. Thutak ankuang Rev. M. Khamlianmang in limchitak hon luikhiaa, aguh leng tellou asadual leng tellou miteng nektheih ding Toupan apia a, Toupa thupina tang hen aw.

Tuima a zangiak in zing an amau toh liimtak a nekhawm. Annek zohin Mualnuam zuan in ka pai uhi. Mualnuam sun dak 10:30 in ka tung ua, Missionary Soigoulun pen Sinzawl a Missionary Day thugenpi ding ahil man in ana paisuak. Pastor Quarter ah Pastornu Ching leh PWF, PMF leh Sessionte kithuah in nektak an bawl ua, toldam ta a ka om nung un anne in kikhom din kakuan ua, hunteng kou khut ah hon pia ua; Hunkemtu in angeimah, report bawlte leng angeimah tegel, thutak ankuang leng Coordinator (Missions) in hon zang a nuam tak leh bil taitak in ki om hi. Mualnuam khua a zan giak in, zing (May 07) Missionary Day zing

biakna zang ding in vuahpi leh gialpi lakpi ah ka kipan khia ua, ka tung pheih pah uhi. Ahia vuah ahah zuk luat ziaik in mehbawl tuanvaite gamtatna lemnanlouh ziaikin an ka ne hak sim uhi. Dak 11 lak in Biakin program ka pan ua, Biakin dang ate bang in report angeite mah in pia ua, thutak genna leng Coordinator(Missions) mah in nei a, kikhop zoh in Sinzawl a nitak kihopna hun zang din Tuizin, Tuivai kan ah ka tai kawi ngaingai uhi. Tuivai apan Sinzawl lam ah kihek Kawitou ngoingoi in mipite annek lai in ka tung uhi. Amau Missionary Day lopna in vok nagou dan uh ahi.

Sinzawl ah nitak kikhop na ah Biakin dim phitphet in mi kikhom in nuam mahmah hi. I pastorpa uh Zamkhamsuan leh Session memberten a khosung uh saptuam te kipiak zohdante hon puang ua, Missionary nasep dan uh athil piak

dan uh isaptuam pumpi adin etton tak mahmah uhi. Nitaak kikhom atam mahmah a mikhualten khodang abang a report pia, kipak leh gending tawp theilou dek hial a report pai in om hi. Thugen pan tom chik, kimtak a gen asiam ziaik in agen diteng gen man thou hi in akithei. Pathian min a report beitheilou dikhop neite ziaikin kipahtu igen ua, thutak tomkim taka genthei dia Pathian vualzawl na dongte ziaikin I Pa Pathian kiang kipahtu igen hi.

May 08, 2014 zing sangin Sinzawl apan Thonlon tawnin inlam kongtungta uhi. Report ka honpiakna a gen dia kilawmlou leh gentuahlou omkha omleh Toupan hon ngaidam henla, “Hiai mi neupen tunga na hih utuh kei tung a nahih uh ahi”

.Ka kipak e,

Report petu





## MEITEI MISSIONS FIELD PROGRESS REPORT

Meitei Field a inasepna uh khang tou zel in, apaisa May 25, 2014 sunnung dak 2:00pm in Bishnupur ah saptuam thak honkhiak in omta, Toupan thupina tang hen. Hiai saptuam honna leh laklutna programme zang ding in Rayburn College Bus dim in kikuan suk a Coordinator (Missions) Rev. M. Khamlianmang in laklutna Pa Pathian, Tapa Pathian leh Kha Siangthou Pathian minin nei hi. Maban ah leng laklut dia om hong kingen kho nih leh thum bang aom a, hiai te toh kisai a process pai tou lellel hi.

Saptuam a inkuan phazah	: 06 (guk)
Saptuam a milim omzah	: 23 (sawm nih-le-thum)
Batismo tangsa	: 12 (Sawm-le-nih)
Baptisma tang nailou	: 11 (Sawm-le-khat)
Saptuam a heutu/Moderator	: Moirangthem Loken Singh

---

## KIPAHTHU GENNA

Kou Thanlon Presbyterian Church in Pathian akipan deihsakna thupitak i heutute (abikin Rev. Khen P. Tombing) tungtawn a ka tante ziaak ua kipak mahmah ka hihmanun hiai ah ka hon taklang uhi.

01. Pastor Quater thak
02. Biakin Building thak (zou nailou deuh)
03. Sound system (Speaker nih toh)
04. Table Microsphone khat
05. Guitter thak liklek.

Hiai bang hamphatna ka tante ziaak un Toupa'n thupina tang henla, a saptuamte a dingin hat seemna hon tun hen chih ka thumna uh ahi.

Sd/- Deacon V. Pumminthang, Secretary (Session), Thanlon PCI(R)

## PASIAN SAPTUAM: NANG-LEH- KEI MOHPUAKNA AHI

By: TK Shyam Valte

*Huchi in Jesu'n anaih a, a kiang uah, "Lei leh van a thuneihna tengteng ka kiang a piak ahita hi. Kuan unla, nam chih a mi nungzui in bawl unla, Pa, Tapa leh Kha Siangthou' min in baptistna tangsak unla, kon thupiak tengteng jui diing in amau thu hilh un. Huchi in kei na kiang uah khovel tawp pha in ka om gige diing" achi hi (Matthai 28:18-20).*

Jesu Krist in a Saptuam a It mahmah a, leitung apaisan diing kuan in, a Saptuam kem diing leh enkawl diing in, Nungzuite kiang ah mohpuak na a pia hi. Jesu'n Leitung a nutsiat nung in, a Saptuamte khamuantu diing in, Khasiangthou ahon sawl a, Khasiangthou makaihna in, tunitan Saptuamte'n lamzang takin, kal i suantou thei lai uhi.

**SAPTUAM:** Saptuam in chih chiang in, Jesu Khrist gingta, tangtawn lal-leh-hondampa dia pom, Jesu Khrist thupiakte zui diing a kipekhia tengteng "Saptuam" te a chih theih diing hi. *Pasian, Temple na hi ua, Pasian Kha noumau ah a teeng chih na thei kei ua hia? 1 Korinte 3:16 ah ana chi hi.* Saptuam i chih Greek pau a "ekklesia" apan kilakhia ahi. Huai bel "sapkhiak" chihna ahi hi. Hiai apan dotna om thei tuh, koi apan sapkhiak leh bang diing a sapkhiak i hia? Hiai dotna i theihchet mahmah uh kul diing hi. Sapkhiak i chih chiang in, Gingtute tengteng tuh, khovel سوالna/khelhna

lak apan, Jesu Khrist in Amah Nna sem diing a hon sap khiakte, chi in a tom thei pen in a hilhchet theih diing hi. Huaiziakin Korinthte ah, *Toupa'n, Ka mite' lak ah ka teeng dia, a lak uah ka khosa diing; a Pasian uh ka hi dia, amau ka mite ahi diing uh, A lak ua kipan hong pawt khia unla, a tuam in om un. Thil sianglou himhim khoih kei un, huchi in ka hon pom diing. 2 Korinthte 6:17 achi hi.* Huaiziakin, Saptuamte tuh Pasian a dia, siangthou leh khovel سوالna lak apan suakta, Pasian thunuai a nungta dia kipekhia, leh Amah thupiak nam chihte kiang a tanchinhoih gen/hilh

leh nungzuite bawl diing a, Saptuamte sapkhiak i hi zaw uhi. Krist a gingtute tengteng, Pasion' thu puanzakna nang-leh-kei mohpuakna chih a chiang mahmah hi.

**NANG-LEH-KEI MOHPUAK:**

I Laisiangthou taangtel na apan bang i mu thei hiam i chih leh, thupiak khat semsua diing a mohpuakna piak a om, i hih dan na chiang mahmah diing un ka lam-en hi. Hiai thupiak leitung a namchih apan nungzuite bawl diing a sawl in i om uhi. La khat in, *“Gingtute (Saptuamte) aw thupiak khauh tak mai i nei, kuan unla, tangthupha va hih un a chi”* (KLP 282). Hiai thupiak/sawl na ei mah ut dan a sepsuah/sep louh diing thupiak hilou in, Gingtute tengteng in sepsuah ngeingei diing a thupiak ahi hi. Unau Thadoute laa khat in *“A ngailutna'n eisawl kacham lowin, Pakai na toh kakin ahi”* ana chi. Huaiziakin, tuni a Khrist a hotdamna taangsa tengteng in, hiai sawl na i kitheihmohbawl leh, Khrist Saptuam ka hi i kichihna uh diklou diing in ka gingta hi, ban ah, Khrist a i hotdamna tan uh, kivelthak tuak mahmah diing hi. Khrist in a mangsa NANG-LEH-KEI hon zonkhiak mah bang in, tunia Khrist a hotdamna tang nailou, khamangthangte zonkhiakna NANG-LEH-

KEI moh puak na ahi hi. Huai ziakin Saptuamte na thupi pen diing tuh missionary nasep ahi hi. Hiai mission nasepna ah, nu-leh-pate leh sanggamte sep hiam, thoh hiam, set mawk theih hilou a; Ei mahmah in i sep diing kism hi. Nungak, Tangval, Nupi Papite aw, Na pianthak a, Saptuam member khat ka hi, na kichih leh Missionary Nasep na-mohpuakna liu-liau, na tung a ki-nga, mi dangin hon sep sak theihlouh, ahi chih thei in. Pasion Nasepna ah, hahkat mahmah ni sanggam aw. Sawltak Paul in, *“Tanchin Hoih gen mah leng zong, kisaktheihna diing san ka nei kei. Hihlouh theihlouh ka tung a kinga ahi. Tanchin Hoih genlou bang hita leng, tung gik ka hi!”* (1 Korinthte 9:16) ana chi hi. Eite'n zong, Joshua bang in, *“Kei leh ka inkuante'n Zaw Toupa na ahi kasep diing uh”* (Josua 24:15) chi thei chiat leng i chi ahi.

Saptuamte, missionary Nasep/ Khamangthangte zonkhiakna Nasep thupi pen a neilou tuh Leitung ah a Nasep diing omlou toh kibang ahi hi. Sep diing neilou Saptuam bel, Pasion Saptuamte chih theih louh diing hi. Saptuam in tukum in Biakinn thak, Biakinn building hoih mahmah, lamka a dia Biakinn hoih penpen lam khia in, Biak inn 5/10/15 lamkhia lenghang

zong, kha mangthang Pasion khe bul a, i pi kei in zaw, i nasepna uh; a thawn ahih khak diing a lau huai mahmah hi. Huaiziakin, tuni in Tuailaite, Nu-leh-Pate leh Saptuam makaite, kha mangthang te sang a, i pawlpi ki-vaipuakna kia buai pih i hih khak diing ki-vel chiatni. Unaupa Lang Do Khup in *“Toupa’n nang honsam, Lainat na aw toh, Ka nasem dingte a tawm lua e; Mangthang khate kiang itna thugen diing, nang honsawl ing e, na hih zou diam chi”* (KLP 578) ana chi hi. Toupa’ honsawl na, NA hia i sep diing uh, ahihkeileh diabol NA hia i sep diing uh, Joshua in, *“Kei leh ka inkuante’n Zaw Toupa na ahi kasep diing uh”* (Josua 24:15) a chih mah bang in, Toupa’n amah nna sem diing ahon sawlna thei in, sem suah thei diing in, Amah kiang ah galvan bukim ngen in kuun chiat ni.

**PASIAN IN LEITUNG A MISSIO- NARY HONSAWL DAN:**

- 1) Pasion in a Tapa neihsun missionary diing in leitung ah hon sawl hi (John 3:16).
- 2) Jesu’n a Nasepna maban sunzom diingin, nungzui 12-te mohpuakna leh thuneihna tengteng pia hi.
- 3) Nungzui 12-te ban ah, Tuipi gal apan Tanchin hoih puangzak diing Pasion in mi tuamtuam zang in, Gam

tuamtuam ah Tanchin hoih puangzak in om hi. Etsak na diing in, Hudson Taylor in China ah, William Carry in India ah, David Living Stone in Africa ah, Adoniram Judson in Burma ah, Jim Elliot in Auca, Ecuador a Huaorani mihing sa-ne namte lak ah, Eimite lak ah Kamzathang in Burma ah Tanchin hoih ziak in, sihna va tuak hi. Ban ah Watkin Roberts’s ziak in eite’n, tanchin hoih khovak May 10, 1910 in Manipur south district (ei omna mun) ah i na muh loh uhi.

**NANG-LEH-KEI HUN AHI TA**

**HI:** *“Watkin Robert in Welsh Gam apan, Tanchin hoih kon paw-lut a, NANG koi mun ah, na paw-lut dia chi in chou-na hon bawl hi.”* Laisiangthou 2 Kumpipate 7:9 Samaria khopi dainawl ah phak Li-om ten, *“Tuni a en, tanchin hoih kipahhuaitak mu hi hang a: huchibang a i om sip pih nilouh leh hoih lou hial diing ahi! I daih nilouh ua, Zingkaltan i ngaak uleh i thuak ngeingei diing uh. I kuan di ua, kumpipa’ miliante i va hilh diing uh.”* aki chi uhi. Huaiziak in, hiai Samaria phakte bang a, Toupa’n Tanchin hoih gen dia hon sehna, semsuah lou a i om uleh Pasion thang paihna i Saptuam sung, inkuan sung leh i Gamsung uah hong tung ngeingei diing hi. Huaiziak in, van-leh-lei bawl pa’n, a Nasep ban

sunzom dia Eite hon teltuam banah, i paina peuh a hon om pih diing in honchiam lai hi (Matthai 28:20). Hiai vangphatna i tante Toupa (Mission) Nasepna khahsuaah lou diing in, i kichial ahi. Tuni a i na omna/ka omna mun Eite a dia, i mission field ahi mai hi. Hiai mission field ah, kua mah a kidaangkoih thei diing i om kei hi; aziakbel NANG tektek in semsuaah diing a Pasion in hon seh ahihmanin, Pasion hon sehna apan kua-mah i suakta thei kei uhi. Huaiziakin, Pasion in bangchibang a A-na semsuaah diing a hon deih hiam chih i zonkhiak diing kisam hi. Sawltak Paul in, Korinte kianga a-laikhakna ah, *“Himahleh Pasion in sapum a hiangte a-ut na peuh ah a-omsak chiat hi. A vekun sahiang khat kia hileh, sapumpen koi ah a-om dia? Himahleh sahiangte tampi ahi ua, hinapi in sapum bel khat ahi.”*(1 Korinte 12:18-20). Sa-hiangte a tuamtuam himahleh, a mau omna chiat ah a poimoh vek uhi. Khat lel leng a pengkhe thei diing aom kei hi. Huchimahbangin, Pasion in Nasep diing hon piakna mun ah, NANG mahmah in nasepsuaah a ngai hi. Aziak bel, NANG panna mun di ah, kua mah dang in semthei lou diing uhi. Billy Graham in, *“Vangam ka tun Chiang in,*

*bangziak a Abraham-te, Mosi-te bang a, Pasion Na semlou na hiam, hon kichi kei diing a; bangziak a, Billy Graham bangbang a, Nasem lou na hiam, hon kichi diing hi achi hi.”*

Huaiziakin, Pasion in, Leitung a na pianma apan, NANG sep diing a, a na sehkhohlsa a om hi. Huai Na midang in semthei lou a, NANG mahmah in, Na sepsuaah a ngai hi. Indira Gandhi in adamlai in, Kristiante *“don’t wake up a sleeping Dog”*(ui ihmu phong halh kei un) ana chi hi. Kristiante Pasion in, thil-hih-theina leh hatna thuguk hon pia hi. Himahleh hiai hatna thuguk i neih pen, zang khe lou a i ompih maimai ziak un, Ephesate 5:14 ah, *“Nang ihmu, hak inla, misi lak a kipan thoukhia in, huchi in Krist na tung ah ataang diing”* ana chi hial hi.

Rabbit (Bilpi) leh Tortoise (Sumkuang) ki-taitehna thu i theih vek uh ka lamem hi. Bilpi tai hat mahmah mahleh, lam-kal- a a-ihmut khak ziaakin vuallelhna thupitak a tuak hi. Himahleh, sumkuang bel taihat kei mahleh, khol lou a a-taitai ziaakin vualtung tuanna thupitak a ngah hi. Huchimahbangin, ei Kristiante leng, Krist lalgam kekletna dia tai gige i hi, chih

20

kiphawk a, lamkal a bilpi bang a i galte'n hon ma-khelh khak diing uh, ki-ven siam mahmah ngai ahi chih thei in, thumna toh pang chiat diingin Pasion min in, I kichial thakthak ahi. Hiai articles simtute tengteng, Pasion in a Saptuamte diktak leh mohpuakna liantak mai hon piak theisiam diing leh semsuah thei diing in, honvual zawlta hen.

---

---

Kaihlam Presbyterian Church in biakna vanzat poimoh mahmah Guiter khat heutupa Rev. Khen P. Tombing in ahon piak ziakin i PCI Messenger tungtawn in heutupa leh a seppih PCI Head office tung ah ka kipahna uh ka hon pulak uhi.

Sd/-  
Elder Ginzakhum  
Kaihlam Presbyterian Church

---

---

## SUUNNA



Elder K. Nangkhansuan s/o (L) K. Khanthang Maukot Presbyterian Church a upa muanhuai leh founder member ahi. 1st Aug. 2004 in Elder Ordination tang a, ginom, thanuam leh saptuam nasepna mi phatuamngai leh kuhkal mahmah mi ahi. May 31, 2014 dak 11:00 PM in a zi, atate numei 1 leh pasal 5 leh a saptuamte nusia in a tangtawn mun didng zuan in hon paisanta hi. Amah sihna toh kisai in Maukot saptuamte adin akpi'n a noute a sihsan toh kilamdanna omlou bang mai ahi. A inkuante leh saptuamte a dingin khamuanna ngen in thumpihni. Amah suun in i ngaina mahmah hi.

Sd/-  
T. Mangkhanlun  
Secretary (Session), Maukot Presbyterian Church

## DELHI PRESBYTERIAN CHURCH

### STATUS REPORT

New Delhi | May 24, 2014

#### A. THUPATNA

Amasapen in khochih a saptuamte leh PCI Messgener simtute tengteng, Delhi Presbyterian Church saptuam te'n iit-na chibai ka hong buuk uhi. Delhi ah (PCI-R) dinkhiak nung hun tomchik I sak kal in kum guk melmuthei in I om ua hong ki-guihsaak hi. Tullel dinmun (tanchin) thei ut omding ahi cihna toh hiai report hong ki-gelh suk mawk dan ahi.

#### B. DPC-PCI[R] 6<sup>TH</sup> ANNIVERSARY ZATNA (REPORT) TOM KIM :

Toupa' hoihna in hong ompih zomzel in apaita May 18, 2014 (Nipini) in Delhi-PCI[R] in kum guk melmu theita ahi chih chiamtehna biakna hun nuamtak ki-zang hi. Hiai hun ah Delhi a biakna hong kipatna dia Toupa' vanzat poimoh taktak leh ainah phahtu (pioneer)te mi sawm-le-nga zet min loh theih om uhi. Amaute pahtawina (mihing' ki-pahtawina) leh kipahpih lua kahi uh chih etsakna in paak (khat chiat) kipia a, kum guk vaak mu I hita cih etsakna in mei detna (*candle lighting*) ki-nei hi. Hiaihun ah kipahna lian hi ngei ding a, huai etsakna in Pastor T.Liankholal te' Nupa in Elder Chin Thang te' Nupa puan dum silhsak uhi. Ana bulpantu mi sawm-le-nga te apan lapawl siamtak ngaihkhiaakna om in biltai mahmah hi. Elder Chin Thang in Delhi a biakna hong kipatdan tanchin

suutna saulou a genna ah innkuan kikhopna (*cottage fellowship*) bang in ana kipan a, Pathian piina in members hong ki-behlap zel hi. July 2009 in biakna piching (*chapel worship*) mi tamlou toh hong kipanthei ahihdan gen hi. Sum-le-pai leh haksatna tuamtuan toh aman na enkol tou masa hi. Ahoihzaw ding Pathian lemgeelna hiding chi in Christian NGO hohtak ah sem dia sapna amuh na dawng hi. Huchin belampu (enkoltu) neilou in hunbangtan hiam saptuam na om hi. Thuumna a tampivei lat ahiah banah leh heutute kiang ngetna bawl in, March 2010 in a bubit a belampu seem (*full-time pastor*) ding in Pastor T.Liankholal Delhi hong tuangtung hi. Ama (Pastor Lal) kepna nuai ah tuni chiangtan buaina leh haksatna tampi om mahleh saptuam in masawn zel hi. Hiai hunzatna ah DPYF te'n leng Toupa phatna lapawl kilawmtak hong lem uhi.

Pastor in Pathian thutak a hasotna hun saulou zang hi. Biakna tawp in singpi leh sang khutdim chiat tawi in mipi paikhawm teng gilvah a ne-le-dawn in ka om ua, huchi'n ka ki-khen uhi. Kumteng May Nipini thumna (May 3<sup>rd</sup> Sunday) Delhi-PCI[R] anniversary a chiamteh ahi.

### C. TOUPA' HOIHNA I MUHTE CHIAMTEHNA [MILE STONES]

**2008:** Tualniam chik, inkuan biakna bangmai in sungkuan sawm toh Delhi a biakna pat ahi.

**2009:** Toupa'n saptuamte hong behlap zel hi. July 2009 in NTBC' Biakna mun koppih thei in amasapen ding in *Chapel worship* kipan hi.

**2010:** Naupang thum baptisma piak in om. Head Office in hunbit a sem ding belampu hon pia.

**2011:** Elder leh Deacon khat tuak hong behlap sak.

**2012:** Saptuam ah ordained khit Deacon khat behlap in om. Naupang khat baptisma piak leh retreat (outing) program masapen ki zang.

**2013:** Toupa'n member hong behlap zel. PWF, PYF, Missions leh Deacon Boards dinkhiak in om. Mi nih (Nu & tapa) baptisma piak in om.

**2014:** Pathian hoihna kum guk saptuam in melmu thei ta.

### D. DPC-PCI[R] TU DINMUN (STATISTICS)

**1. Members:** Sinlai leh mimal private a sem atam ziakin members phazah Chiang kuantak taklat haksa hi. 2012 Census Head Office a ki pelut dungzui in mi 74 pha hi. Tullel in members 100 (speculative figure) vel hiding a tuat ahi. Inn lusi 40 vel simtheih, sungkuan piching (nu-le-pa leh Tate toh khosa) inn 11, nu-pa Tate om nailou inn 4, adangte nungak-tangval mahni kia a khosa saptuammi ahikeileh saptuam dang toh innluah khawm a khosa hi deuhpen hi.

**2. Hanmual, Sihna leh Lusuuna Vai:** Sihna leh lusuuna tuah hun a misi nangawn vui theilou ding zah a beidong a saptuam kipan I hi uh. Huchih lai in Pastor leh Elder Chin Thang-te felna jiak in South Delhi Christian Cemetery, Dwarka ah kum 2011 in membership fee Rs.5000/- pia in hanmual chih theih ding saptuam in I neita uhi. Kumteng in (maintenance) fees Rs.1200/- kisung gige hi. Tuni Chiang in misi khat Delhi ah I vuita uh. Misiluang omlou saptuam mi Delhi mun a sungkuan omkhate kiang ah sunna program mun guk ah zat khak ahita.

**3. Baptisma:** January 3, 2010 in naupang thum Rev. Khen P Tombing in baptisma pia hi amaute- Ms.Kathy Katayun Negahban & Master Aryan Negahban [c/o Mr.Reza Negahban & Ms.Ching Lianmawij] and Ms.Sawmoon Baberi



[d/o Mr. Jowhar Baberi & Ms. Haunu]. March 4, 2012 in Ms. Jamngaihnam [d/o Mr. Lalboi & Ms. Ching haukim]; March 3, 2013 in Ms. Vungliankim [d/o (L) Kam zathang] leh Mr. Aryan [s/o Ms. Vungliankim] leh November 10, 2013 in Ms. Lee Mawi [d/o Mr. Lalboi & Ms. Chinghaukim] te ahi uh.

**4. Pastor/Ministers:** March 2010 apan tuni tan dong Full-time pastor (Pastor T. Liankholal & inkuante) hong om ua, Pastor nasepna panpih ding tulaitak Elder khat leh Deacon nih om hi. Kum 2014 in Elder leh Deacon khat tuak ki-teel a, namkipna (ordination) neihtheih ahihna ding in thuumna ah laan le hang I chi ahi. Amaute exam neih ding in samlai hi.

**5. Kitenna:** Tuni tan in Delhi saptuam sung ah a singthou kiteena om nailou hi. A omthei ding sun te leng inlam (Lamka) mah chihna lungsim omziak leh saptuam member tamzaw tuailai sinlai ngen ahih deuh ziaak ahi ding. Tulel in dan pua (disciplined) ah Nupa khat omlel banah ki-ten thakna neithei ding nupa dang kop bangjah hiam leng om hi.

**6. Neihsa/Van/Mun-le-Mual/adangdang omleh:** Khopi ah mun-le-mual mantam lua ahihman in mite pang beel in khateng Rs. 1500 pia in NTBC' te biakna kalkhat in dakkal nih (2hrs. a week) ki-zat kheel zel hi. Hun leh mun kochik tak ahihman in

Sunday school leh ngeina biakna te deih abat zohlouh hun tam mahmah hi. Rev. Khen P. Tombing leh saptuam sukтуаh sum tamlou toh keyboard hoihtak 2011 in kileita a, huainung siah biakna le phatna hunte nuamtuan mahmah hi. Khopi sung thukin delh ding le nitak nung a Pastor taikhiakna ding vai a om khak chiang in taithei bangmah a ki-neih louhjiak in beidot hun tam mahmah hi. Tua ahihman in taithei (vehicle) khat beek poimohsakna lian mahmah hi. Banah, mun-le-mual kiching pekpuuk keileh leng thoveng deuh a biakna neih theihna ding leng lungulh huai lua hi. Toupa kiang thuumna toh delhzui zel leng chi'n saptuam te I ki-ngen sawnsawn uhi.

#### **E. DPC~PCI[R] NASEP TANGPI TE (ACTIVITIES)**

**1. Nipini Biakna & Phatna (Sunday Worship)** Biakna hun zatdan tangpi ahihleh ki-zaksak ding leh thupuan ding omte ki zaksakna, biakna hunte latkhiakna, mipi thumkhawmna, khelhnate kipuanna leh ngaihdam ngetna, biakna leh phatna (Praise & worship team makaih in) leh Toupa' thutak a houlimna cihte ahi tangpi deuh. Hunzohna lam ah phatna laa sak leh Doxology gen a hunkhak ahi jel. Biakna zohteng in theitui hiam singpi

hiam khohun toh kituak in ki-dawn (le ne) khawm gige a, abeisa kaal hunzatdan, tanchinte kikan tuah, thutuamtuam kihoulimna leh ki-chibai tuah sauhsauh in kikhelah tak a kalkhat sung a ding in ka ki-khen zel uhi.

Khateng Nipini masapen Toupa' Ankuang luina leh belampu (pastor) in belamte (saptuamte) ading biik a thumsakna hun in ki-zang zel hi. Thumna leh ki-pahthu genna a ki-taklang deuhthe ahih leh damlou te, sepna muh kha(kum) leh sepna neithak-te, piankha hikha-te, kitenkha hikha-te, laisimna a lohchina muhthak-te, exam ding-te thumsakna, leh ki-pahthu gen ding tuamtuam omkha te ki-taklang jel hi. Mun-le-mual lem chang louh jiaik leh naupang hong kai ginat gige louh jiaik in naupang sunday school hihtheih bangbang in ki pang sam mahleh duhthu saam zoulou hi. Hiai ziaik in Nu-le-pa khenkhat ading in saptuam dangte lak khong khavat huai hun omtham ding in gingtak huai hi. Mun-le-mual kiching, kipezoutak leh siamna kichian nei sinsaktu ki-poimoh mahmah a, thumna mah toh saptuam te'n delhzui zelzel leng I chi ahi.

## **2. Invehna (House visit)**

Zan nasem leh sun nasem Nipini biakna hong (tel ut; himahleh sepna ziaik a) manlou member hunkuam om ahihman in innvehna alou theilou suak

hi. Pastor, Elders leh Deacons te'n a vehding te uh toh ki-dawp tuak masa in a lemtang hun ding uh a bikhiah masak uh poimoh hi. Tu tadih in Elder leh Deacons te mahni nasep chiat a buai ahihna uah Pastor kia innvehna neithei suak tadih hi.

## **3. Vengsung Thuumkhawmna**

**(Prayer cells)** Pastor zathuapna in Delhi PYF te huaihotna nuai ah vengsung thumkhawmna member kipun khawm deuh na mun Munirka leh Safdurjung vengte ah ki-nei gige thei hi. Sepna ziaik a nipini (Sunday) hong kai theilou te leng hiai hunte ah hong ki-hel thei zel pawl om a, khalam-salam kithuah khawmna hun manphatak suak a, ahitheitan a sutzop zelzel lunggulh huai ding hi.

**4. Tanchinhoih Puan Zakna (Evangelism)** Neekpih, dawnpih, seppih (giahiph) leh inveng ginglou tamtak lak ah tanchinhoih genna ding hiaisang a lemtang zo koisan omding hiam I chi maithei. Sum-le-pai, hun banah tanchin hoih puanzakna ding a puakgik poimoh ahi ngei ding a, tanchinhoih puang zaakna lam ah kalsang kitoi zoulou hi. Himahleh hihtheih bangbang in alemchang hunte ah saptuam in mimal ginglou lak a sem Evangelist leh Ministries khenkhat kiang sumtang (cash) in ki-thuahpihna kipia zeuhzeuh hi. Tuateng banah H.O. a PMF fund khateng bituk tuni chiangchiang

ahunhun in tatsatlou in kipe zomthei zel hi. Hiaite tengteng a Lalgam keekletna nasep in ki-chiamteh mai hi.

#### **5. Pahpihna Nahoihsep (Charity)**

Midang kiang a nahoih sep chimtak lou ding, dah-le-kapte leh kipaakte leng tuakpih ding chih kristiante nuntakding dan laisiangtho apan I muh ahi. Hiai toh kizui in neih-le-lam ki-ningchin louhjiak in vehtuak tampi te lak ah member damlou a omleh a masapen (priority) a koih ahi. Himahleh members vehtuak khenkhat sum-le-pai a vehna kipe tek-tek lou leng tamtak om hi (etsakna ding in, sepna apan damlounhna ziak a sum-le-pai sawk thei te chiang). Panpihna kipiakna ziak khenkhat ahihleh damlounhna ziak a vehna, nasep ginat theihlounh man a sum-le-pai taksap guih ziak a ditkik dia leitawisak (loan) leh meikung paisuak thei ding omleh panpih (aid) or leitawisak (loan), cihte khawng ahi tangpi hi. Tualou in Delhi saptuam member hi-chetlou Delhi a damlo hong ki-enkolsak vehtuak khenkhat a omhun in tha (hun & thumna) a vehna leh sum-le-pai va piak khak ki-chiamteh tektek lou leng bangzah hiam om hi.

#### **6. Pawldang toh Kizopna (Partnership)**

Mahni khe kia toh dingkip gige zohlounhna khovel a om ihihman un, kipawl khawmna lianzo te a kihel in amaute panpihtu hih zomzel poimoh

hi. Delhi Pastors' Prayer Fellowships (PPF)- singtang mi pau ki-theituah Pastors teng kipawlna, Northeast Christian Meet – Northeast apan gingtu pawl tuamtuam Delhi a omte kipawlna, Manipur Christian Association- Manipur apan gingtu pawlpite ki-pawlna, leh Zomi Christian Fellowships (ZCF) – mimasa ten a patkhiak khalam leh salam a Zomite kipawlna, leh adangdang. Sum-le-pai poimoh achih hunte un poimohna om bangbang neihsa in a daih leh (nial omlou in) ki-thuahpihna piak ahi jeljel uh.

#### **7. Vak-halh (Retreat/Outing) Hun:**

Member tamtak nasepna jiak a biakna a hong tel manlou hunkhop om hi. Hiaiziak in member te lak ki-theihthuahna tawm mahmah hi. Member te lak a khat-le-khat ki-theihthuah semna, kineelna, kimgaihnatna leh iitna hong pung semsem na ding ngimna in mun thoveng ah Pathian thu toh siangthou a ki-thuah khawmna hunnuam mun nih a zat ahi ta. A telkha member te kithalop chiat a theih ahihman in hun hong tung ding ah sutzop zel lungulh huai ding hi. November 2012 in YMCA, Rural Development Centre, Hodal Haryana leh March 2014 in Deer Park, Safdarjung, New Delhi ah saptuam te'n nuamtak in ki-thuahkhawmna hun na ki-zangta hi.

**F. THUKHITNA:** Head Office a heutute apan tuni tan ki-thuahpihna leh fulltime Pastor hong koihna tung uah ki-pahna lian hi. Delhi saptuam session in anniversary zat theihding hong vaihawm na ziaak ua hiai report (chiamtehna) hong om ahihman in, Session te tung ah leng ki-pahna lian mahmah hi. Khopi a saptuam neuchik, saptuam lian leh nuamzaw ding tampi lak a taise lou, nipini biakna te a taksa kia a hong kilaak hilou a Pathian' min a thilpiak na hong tawikhawm zelzel te uh (ginna thuchiam, sawm-a-khat, nipini thilpiak, antang pham, adangdang) ziaak a saptuam hing ahihman in saptuam member tengteng tung ah leng I ki-paak petmah hi. Atung ki-gen tengteng ziaak a ki-lawmtak a hing leh gahsuang saptuam ahihbang in hong hih zomzel na ding leh saptuamte ziaak a Toupa' min tawisang semsem ahihna ding in khawlou in I pang ding uh hi.

**G. NGETNA**

Kipawlina (saptuam) dang a active mahmah hingal PCI[R] toh kisai himhim tup mawng a nelhsiah a hong tel ut bilbel lou,

Lamka lam a saptuam member hi veve, Delhi a khosa saptuam member khenkhat om hi. Khenkhat dang leuleu ahiehleh biakna hunte hong ki-hel ut mahmah himahleh sepna jiaak a nipini hun muthei mahmah lou om hi. Adang khekhat ahiehleh Delhi a saptuam om lam theikha nailou himhim leng hunkhop omlai ding a gin tak ahi. Atung a I taklat te lak khatpeuh a simtel theih ta-le-nau Delhi a khosa, sinlai leh asem, a om khak zenzen leh ki-sungkuan thuhilh mai in, ei saptuam biakna mah leng omta ahi chi in PCI[R] lam mah hong ngaihsak ding in hasuant thei chiat leng ahoih ding hi. I tawm jiaak mah un amaute hong ki-hel thei jel le uh ki-ngai mahmah ahi.

Simtute tengteng Toupa'n hong vualzawl henla, thupiina tengteng Aman tangta hen!

Report petu,  
Sd/- MK LAL GUALNAM  
Secretary, DPCI  
New Delhi- 100 067  
Mobile# 7827847824  
Email: delhipcir@gmail.com  
www.facebook.com/  
DelhiPresbyterianChurch

## SAPTUAM SUNGTHU

### NLPYF ONE DAY WORSHIP SERVICE & FELLOWSHIP:

Apaisa June 01, 2014 ni in NLPYF saina in NLPYF huamsung a local chih PYF Committee Member teng paikhawm in Peniel Prayer Hall ah biakkhawmna nei ua, NLPYF Adviser Pastor G. Vungsangmung in thugenna hun zang a, sunnung in thumkhawmna hun leh kipolhlimna hun nuamtak mai zat in om hi. Hiai program lohchinna dia hong uap local chihte tung ah kipahthu ka hon gen hi.

- Khamgoulia Khaute  
Chairman, NLPYF

**SOLFA TRAINING:** Music Committee, PCI(R) leh NE Khawdungsei Saptuamte pangkhawm in June 23-27, 2014 sung Compassion naupangte leh tuailai pawlte toh solfa sinsakna neih in om. Hiai hun ah Pastor G. Kamchinthang sinsaktu in pang hi. Hiai solfa sinna lohching tak a zoh theih ahihziakin kipahthu genni. Maban ah saptuam 5 veel toh a hun ding bikhiah khawm in solfa zilna neihtouh hilai ding hi. I thumna uah phawk chiatni. Huaibanah, saptuam min a certificate pekhe thei dingin certificate course khat neih didan kisai zom lel. Lamzangtak a ahong pai theih na dingin thumni.

- Music Committee, PCI(R)

**NUPA SEMINAR:** Hongtung ding July 27, 2014 (Sunday) dak 1 akipan dak 3 tan Nupa Seminar, Rayburn Church ah neih hi ding a, hiai hun a thugentu dingin Rev. Kh. Khaizakham pang ding a, thupi dingin “*Nang leh na inkuanpihte long ah lut un*” Gen 7:1 h ding hi. Kuapeuh a lunglutte a dingin tel theih vek hi. Hiai hun sehsa pen lohching leh manpha tak a zat ahih theih na dingin i thumna uah thei zui chiatni.

**MEITEI MISSION ADIA THILPIAK:** Deacon T. Zuanthang tulel a Zion Presbyterian a om in, Meitei Mission Field a dingin singnou (China sing) 50 tak hon donate (pia/laan) hi. 20-te Ningthoukhong Biakin compound a suan hi a, 30-te Nokulkhunou a saptuam gam ah kisan hi. I upapa kiphalna leh a thilpiak manpha tak ziakin kipahthu Rev. Khamlianmang, Co(Missions) in gen hi. Toupa'n vualzawl hen.